



SLUŽBENE NOVINE

KANTONA SARAJEVO

Godina XXVI - Broj 45

Četvrtak, 11. 11. 2021. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na 44. Radnoj sjednici održanoj dana 10.11. 2021. godine, donijela je

ZAKON

O DOPUNI ZAKONA O PRAVOBRANILAŠTVU

Član 1.

U članu 15. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16) iza stava 3. dodaje se stav 4. koji glasi:

"Izuzetno, odredbe stava 3. ovog člana ne odnose se na pravne poslove kojima se prometuje i raspolaže nekretninama iz nadležnosti Fonda Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobiliziranih boraca i prognanih osoba, Kantonalnog stambenog fonda Sarajevo, kao i drugih pravnih lica čiji je osnivač Kanton Sarajevo, a koji imaju registrovanu kao osnovnu djelatnost naprijed navedene pravne poslove".

Dosadašnji st. 4., 5., 6. i 7. postaju st. 5., 6., 7. i 8.

Član 2.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-40919/21
10. novembra 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na 44. Radnoj sjednici održanoj dana 10.11. 2021. godine, donijela je

ZAKON

O IZMJENI ZAKONA O FILMSKOJ DJELATNOSTI

Član 1.

(Izmjena člana 11.)

U Zakonu o filmskoj djelatnosti ("Službene novine Kantona Sarajevo", broj 7/01), u članu 11. stav 2. mijenja se i glasi:

"Vlada Kantona Sarajevo će Uredbom propisati vrstu, visinu i način korištenja sredstava iz Budžeta Kantona Sarajevo za snimanje filma (filmsku produkciju)."

Član 2.

(Rok za donošenje propisa)

U roku od 60 dana od dana stupanja na snagu ovog zakona, Vlada Kantona Sarajevo je dužna donijeti propis iz člana 11. stav 2. ovog zakona.

Član 3.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-40943/21
10. novembra 2021. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20, 46/20 i 12/21), Vlada Kantona Sarajevo, na 48. sjednici održanoj 28.10.2021. godine, donijela je